



JAVNO PREDUZEĆE „RADIO SANA“ D.O.O. SANSKI MOST

Identifikacioni broj: 4263037610009 PDV: 263037610009 Poreski broj: 11420746 Matični reg. broj: 1-4452-00 KS BIHAĆ

Transakcijski račun: 199 044 000 174 86 – 20 kod Sparkasse Bank

UVOD – OPĆI PODACI

J.P. Radio Sana“ d.o.o. Sanski Most je lokalni medij koji u svom 19-godišnjem, kontinuiranom radu objektivno i istinito informiše, izvještava, educira i zabavlja slušatelje općine Sanski Most i dijelu Bosne i Hercegovine.

Da bi došlo do participacije građana i lokalne uprave, neophodno je da građani raspolažu relevantnim informacijama o radu lokalne uprave, o političkim opcijama i mehanizmima participacije koji im stoje na raspolaganju, kao i o ukupnim zbivanjima unutar date lokalne zajednice. Informiranost građana je taj bitan motivacijski faktor i preduvjet njihova učešća u svakodnevnom kao i političkom životu lokalne zajednice.

Imajući u vidu ovakvu važnu ulogu informiranja za razvoj participacije, kao i za ukupni razvoj demokratije na nivou lokalnih zajednica, na elemente i procese odgovorne za valjano informiranje građana unutar lokalnih zajednica. Ključni akteri tih komunikacijskih procesa su lokalni mediji i njihov rad, njegovi efekti u lokalnoj zajednici.

Lokalni mediji su primarni izvor informacija o radu lokalnih vlasti, kao i o političkim, kulturnim i drugim relevantnim zbivanjima unutar lokalne zajednice i predstavljaju važan mehanizam putem kojeg se građani informišu. Da bi se informativna funkcija radija osigurala, kvalitetno, supstancijalno i raznovrsno medijsko izvještavanje o lokalno relevantnim temama, potrebni su optimalni uslovi za rad koji će omogućiti realizaciju ciljeva i svrhu postojanja medija. Ovo je princip, put i način rada „Radio Sane“.

To je jedan od razloga zbog kojih od Regulatorne agencije za komunikacije (RAK) posjeduje dozvolu za emitovanje zemaljskog programa.

Dana, 01.01.2010. godine J.P. „Radio Sana“ d.o.o. Sanski Most je prvi put dobila desetogodišnju dozvolu za emitovanje programa.

Uređivačka politika J.P. Radio Sana“ d.o.o. Sanski Most - Lokani medij - potpuno je u funkciji istinitog i objektivnog informisanja građana o događanjima na području koje obuhvata općina Sanski Most, kao i razvoja lokalne i šire zajednice.

Priznanje za kvalitetan rad nam predstavlja i činjenica da je na 38. Sjednici Općinskog vijeća, održanoj 04.12.2007. godine Općinsko vijeće donijelo odluku (br.07-02-2505/07) o zadržavanju prava osnivača i vlasništva nad kapitalom J.P. „Radio Sana“ d.o.o. Sanski Most. U skladu sa članom 1. ove Odluke neće se ići u proces privatizacije ovog preduzeća.

Vrlo bitno je da se zna, da proces evaluacije, odnosno ocjene rada „Radio Sane“ od strane Međunarodne agencije za komunikacije nije prekinut, već je trajan. Evaluacija je konstantna činjenica, a kontakti i korespodencija sa RAK-om je kontinuirana i intenzivna.

RAK svojim kodeksima i pravilima postavlja sve strožije zahtjeve kako u programskom, tako i tehničkom smislu, što vremenom proizvodi sve veće, a i neplanirane financijske obaveze za naš medij. „Radio Sana“ plaća sljedeće naknade RAK-u: dozvola za rad, te link i zemaljsko emitovanje – dva puta godišnje (januar i maj).

www.radiosana.ba e-mail: rsm.kontakt@hotmail.com

Banjalučka 2, 79260 Sanski Most, Bosna i Hercegovina

Direktor: + 387 (037) 686 056; Marketing + 387 (037) 686 152; Režija: +387 (037) 685 152



JAVNO PREDUZEĆE „RADIO SANA“ D.O.O. SANSKI MOST

Identifikacioni broj: 4263037610009 PDV: 263037610009 Poreski broj: 11420746 Matični reg. broj: 1-4452-00 KS BIHAĆ

Transakcijski račun: 199 044 000 174 86 – 20 kod Sparkasse Bank

Na osnovu kodeksa i kriterija RAK-a u obavezi smo posjedovati i godišnje obnavljati ugovore sa agencijama, na taj način omogućujemo sebi zakonom određeno poslovanje;

- FENA – Federalna novinska agencija koji nam omogućava preuzimanje i objavljivanje svih aktualnih vijesti, događaja i informacija iz BiH i svijeta. Godišnja naknada po ugovoru je 2.400,00 KM.
- AMUS – Agencija za zaštitu autorskih i drugih prava kojoj smo dužni platiti 4% godišnjeg prihoda iz osnovne djelatnosti. Ugovor nam omogućava zakonito emitovanje domaće i strane muzike u našem programu.

Navedene ugovorene obaveze i proistekla prava nam omogućuju raznovrsniji, aktualniji i bogatiji program i poštivanje Zakona o autorskim i drugim pravima, te preuzimanje najnovijih informacija i priloga sa portala FENA.

- „Radio Sana“ u 2014. godini nastojala je održati kontinuitet rada iz prethodnog perioda i zadržati oblik jednog modernog, aktualnog, atraktivnog, zanimljivog lokalnog radija sa programskom koncepcijom koja zadovoljava različite ukuse slušateljstva. Iza svega toga stoji iskustvo, tehnička stručnost, radni elan, želja i entuzijizam svih zaposlenika da ovaj medij zadrži dokazani kvalitet i dalje se razvija.

Osvajanje novog informativnog, internet prostora rezultiralo je povećanjem broja posjetilaca iz 132 svjetske država našoj internet i facebook stranici, te slušanja našeg programa „live stream“ putem web stranice: radiosana.ba, kao i učešće u realizaciji i praćenja sadržaja informativnih emisija „Hronika Sana“ preko YOU TUBE kanala. Kvalitetnom, proširenom programskom šemom i „Hronikom Sana“ uključujemo veći broj gostiju, javljanja s terena, tonskih priloga. Većina zaposlenih na osnovu svog višegodišnjeg iskustva, stručnosti i afinitetima su autori i realizatori emisija.

Programsku šemu i njenu realizaciju nadzire Uredničko vijeće što dodatno doprinosi postizanju boljeg kvaliteta i veće slušanosti programa.

- Programska šema sadrži slušane i kvalitetom potvrđene emisije s novim sadržajima, temama i gostima.

Programska shema „Radio Sane“ sastoji se od informativnog, kulturnog, obrazovnog, školskog, vjerskog, omladinskog, sportskog, zabavnog, marketinškog i drugih programa kojima se pokriva svaka oblast života, rada i djelovanja na području sanske općine i šire. U 2014. godini programska shema je proširena i

www.radiosana.ba e-mail: rsm.kontakt@hotmail.com

Banjalučka 2, 79260 Sanski Most, Bosna i Hercegovina

Direktor: + 387 (037) 686 056; Marketing + 387 (037) 686 152; Režija: +387 (037) 685 152



JAVNO PREDUZEĆE „RADIO SANA“ D.O.O. SANSKI MOST

Identifikacioni broj: 4263037610009 PDV: 263037610009 Poreski broj: 11420746 Matični reg. broj: 1-4452-00 KS BIHAĆ

Transakcijski račun: 199 044 000 174 86 – 20 kod Sparkasse Bank

kvalitetom obogaćena, a sve u cilju informisanja, edukacije i zabave slušatelja, te zadovoljavanja kriterija RAK-a.

U periodu 2014. godine nije bilo niti jednog prigovora na kvalitetu programa, na realizaciju programskih zadataka i poštivanja pravila, od strane bilo koje institucije ili fizičkog lica. U tom periodu „Radio Sana“ je dobila mnogobrojna priznanja za učešće u medijskom pokroviteljstvu svih manifestacija i događaja u toku godine u općini, a zahvaljujući svojim kvalitetnim prilozima i objektivnom izvještavanju.

Protekla godina je značajna i specifična i zbog velike prirodne nesreće – poplave - koja je sredinom maja pogodila prostor Općine Sanski Most. U tim sudbonosnim danima Radio „Sana“ je dala veliki doprinos u pravovremenom informisanju građana. Svi zaposleni, posebno naši novinari, su bili na terenu te s lica mjesta izvještavali o razmjerama poplava i štetama koje su načinjene. U trenucima kada je, zbog posljedica poplave zgrada u kojoj se nalazimo ostala bez snabdjevanja električnom energijom, izvještavanje smo nastavili koristeći agregat Pošte, preko interneta i društvenih mreža, te javljanjem naših novinara za druge medije. U periodu nakon poplava informisali smo naše slušaoce o svim potrebnim mjerama koje je bilo potrebno preduzeti u cilju higijensko-sanitarne zaštite, te smo informisali o svim aktivnostima koje su bile usmjerene kako bi se sabirale nastale štete. U kasnijem periodu informisali smo o projektima pomoći ugroženim građanima, mogućnostima aplikacija u okviru programa humanitarne i druge pomoći, te smo izvještavali o svim provedenim projektima obnove oštećenih javnih ustanova i privatnih stambenih objekata. Cijenimo da smo u tom teškom periodu u potpunosti opravdali ulogu i značaj koji jedan lokalni medij može imati za neku društvenu zajednicu.

Poseban izazov i dodatno angažiranje bilo je u predizbornoj kampanji i OPĆIM IZBORIMA 2014. u BiH koji su medijski popraćeni Izbornom programskom shemom. Kroz program su predstavljani politički subjekti i njihove aktivnosti, te je popraćen sam proces i rezultati izbora 2014. godine.

„Radio Sana“ je u toku izbornog perioda emitovala sadržaje u trajanju od 12 sati i 10 minuta, što je prikazano u tabeli:

VRSTA PROGRAMA	TRAJANJE
Jinglovi Centralne izborne komisije	180 minuta ili 3 sata
Debatne emisije političkih subjekata	450 minuta ili 7 sati i 30 minuta
Neposredna obraćanja političkih subjekata	35 minuta
Izborne hronike	65 minuta ili 1 sat i 5 minuta
UKUPNO IZBORNOG PROGRAMA	730 minuta ili 12 sati i 10 minuta

Regulatorna agencija za komunikacije nije uputila, niti zaprimila prigovore na Izbornu programsku shemu, program i medijsko predstavljanje političkih subjekata, niti o događanjima u periodu održavanja Općih izbora 2014. o kojima je „Radio Sana“ informisala slušatelje.

www.radiosana.ba e-mail: rsm.kontakt@hotmail.com

Banjalučka 2, 79260 Sanski Most, Bosna i Hercegovina

Direktor: + 387 (037) 686 056; Marketing + 387 (037) 686 152; Režija: +387 (037) 685 152



JAVNO PREDUZEĆE „RADIO SANA“ D.O.O. SANSKI MOST

Identifikacioni broj: 4263037610009 PDV: 263037610009 Poreski broj: 11420746 Matični reg. broj: 1-4452-00 KS BIHAĆ

Transakcijski račun: 199 044 000 174 86 – 20 kod Sparkasse Bank

Na dan izbora praćen je odziv birača na glasačkim mjestima, saopćenja Centralne i Općinske izborne komisije o odzivu glasača na svim glasačkim mjestima općine Sanski Most, kao i konačni izborni rezultati državu BiH, njene građane, tako i medijski, Centralna izborna komisija BiH, kao ni Regulatorna agencija za komunikacije nije uputila, niti zaprimila, prigovore za medijsko praćenje, informiranje građana od početka do kraja trajanja IZBORNOG PROCESA, kojima je „Radio Sana“ afirmirala značaj izbora učešćem gostiju i svakodnevno informisala slušatelje.

Posebano odgovorno, što i odgovara procesu OPĆIH IZBORA BIH 2014.godine, radio se angažirao od samog početka i to objavom „Odluke o raspisivanju OPĆIH IZBORA“. „Radio Sana“ je program prilagodila stalnim informativnim i edukativnim emisijama, anketama i kompetentnim gostima pratila proces i etape predizbornog perioda na području općine Sanski Most i Kantona.

AUTORSKA PRAVA

U septembru 2009. godine RAK je zatražila izjašnjenje medijskih kuća o poštivanju Zakona o autorskim pravima. To je pokrenulo problematiku koja se godinama pokušavala riješiti, što smo konačno uspjeli realizirati u oktobru 2012. godine.

U oktobru 2012.godine prihvatili smo ponudu agencije „AMUS“ – Asocijacija kompozitora, muzičkih stvaralaca Bosne i Hercegovine, koja je dobila dozvolu za obavljanje poslova kolektivnog ostvarivanja prava autora muzičkih djela od Instituta za intelektualno vlasništvo BiH, a na osnovu Zakona o kolektivnom ostvarivanju autorskog i srodnih prava BiH (BR IP-03-47-5-12-06059/12 VT, 21.08.2012. godine, Sl.gl. BiH broj 55/12 od 07.07.2012. godine. Potpisivanjem ugovora sa AMUS-om korisniku „Radio Sana“ se izdaje Odobrenje o neisključivom ustupanju prava korištenja muzičkih djela i to sva dostupna muzička domaća i strana djela. Na osnovu tarife korisnik-emiter koji ima dozvolu RAK-a za zemaljsko emitovanje radio programa („Radio Sana“) plaća godišnju naknadu od 4% prihoda osnovne djelatnosti (marketing). U 2014.god. smo obnovili Ugovor pod istim uslovima, obavezama i naknadi.

Tokom 2011.godine od strane JP RTV USK upućen je dopis kojim se traži sklapanje ugovora i plaćanje zakupnine za korištenje objekta na lokalitetu Lokveni vrh, u kojem su smješteni predajnik, link i antenski sistem, pomoću kojih „Radio Sana“ vrši emitovanje signala na širem području USK i banjalučke regije. Do sada je J.P. „Radio Sana“ na osnovu dostavljenih računa i srazmjerno broju korisnika prostora na Lokvenom vrhu plaćala samo utrošak za električnu energiju.

Ugovor je potpisan 12.06.2012. godine s obavezom plaćanja od početka važenja potpisanog ugovora, što godišnje iznosi 3.084,00 KM. Sredstva za plaćanje ove nove obaveze nisu bila predviđena u 2013. godini, kao ni sredstva za Ugovor o autorskim pravima s AMUS-om, što je svakako dodatno otežalo situaciju u ovom preduzeću.

Ova dva ugovora rješavaju dugoročno zakonske i tehničke probleme radija i predstavljaju još jedan od preduvjeta za rad i traženje dozvole od RAK-a za 24-satno emitovanje programa. Naime, krajem 2009.godine smo na zahtjev RAK-a prekinuli emitovanje programa od 23.00 do 07.00 sati. Proširenjem i obogaćivanjem programske sheme i sadržaja, radio ima za cilj i ispunjavanje potrebnih uvjeta za 24-satno

www.radiosana.ba e-mail: rsm.kontakt@hotmail.com

Banjalučka 2, 79260 Sanski Most, Bosna i Hercegovina

Direktor: + 387 (037) 686 056; Marketing + 387 (037) 686 152; Režija: +387 (037) 685 152



JAVNO PREDUZEĆE „RADIO SANA“ D.O.O. SANSKI MOST

Identifikacioni broj: 4263037610009 PDV: 263037610009 Poreski broj: 11420746 Matični reg. broj: 1-4452-00 KS BIHAĆ

Transakcijski račun: 199 044 000 174 86 – 20 kod Sparkasse Bank

emitovanje programa. U sferi programa već ispunjavamo postavljene kriterije RAK-a, međutim postojeća tehnička oprema i pored kupovine frekvencijskog filtera ne zadovoljava postavljene standarde. Dotrajala prema je jedan od razloga, kao i potreba zamjene antena. 24- satno emitiranje programa znači i povećanje godišnje naknade RAK-u i nove financijske troškove za našu kuću.

TEHNIČKI RESURSI

Tehnička oprema „Radio Sane“ je dugogodišnji problem. Na samom početku rada, a i sada, radio se koristio polovnom ili opremom koja je već otpisana. Zahvaljujući stručnosti tehničkog osoblja, a i samoj spoznaji da nam je to jedino sredstvo za rad, ova oprema se još, uz stalne popravke, održava u funkciji i omogućava nam rad. U 2014.godini, pored čestih popravki kompjutera i miksete, imali smo i kvar predajnika na Lokvenom vrhu.

U toku 2014.godine radio nije bio u mogućnosti kupiti bilo sto od potrebne opreme, obaveze zakupa i ostali mjesečni troškovi, te neisplaćena sredstva iz granta. Teško ekonomsko-socijalno stanje na općini i šire odrazile su se i na vlastite prihode, sve su to faktori koji su nam onemogućili bilo kakvu kupovinu opreme.

Općina Sanski Most nam je 17.09.2014.god. Ugovorom o ustupanju informatičke opreme za korištenje, ustupila novi kompjuter i kameru za naše potrebe. Iste koristimo za priloge na našoj facebook i internet stranici i you tube-u kako bi bili ukorak i pratili razvoj i proširenje načina plasiranja informacija, kako to rade i drugi javni emiteri.

POSJEĆENOST WEB STRANICE – www.radiosana.ba

Osnovna i prioritetna funkcija web portala je kvalitetno i sveobuhvatno predstavljanje svih proizvoda naše kuće, tako da je web stranica postala svojevrsan „izlog“ onog što stvara i emitira „Radio Sana“. Internet LIVE STREAMING je opcija koja omogućava da se putem interneta sluša program „Radio Sane“, a u cilju razvijanja online marketinga, ali i što boljeg informisanja kako građana općine Sanski Most tako i dijaspore. U 2014.godini na našem portalu smo povećali broj svakodnevnih unosa značajnih vijesti, informacija i priloga iz uže i šire društvene zajednice, ilustriranih adekvatnim fotografijama. Na stranici se nalazi mjerač posjeta stranici što nam omogućava da pratimo zainteresovanost posjetilaca, a istovremeno je i indikator kvaliteta informacija i priloga. Redovnim plasiranjem zanimljivih i aktualnih informacija želimo privući što veći broj posjetilaca, pa samim tim i poslovnih ljudi zainteresovanih za reklamiranje na našem radiju. Statistika pokazuje da je portal u 2014.godini ostvario rast ukupnog broja posjeta iz 132 države svijeta (trinaest država više u odnosu na 2013.godinu).

Posebnu posjećenost imamo na našem FACEBOOK profilu na koji postavljamo naše svakodnevne priloge, ostvarujemo komunikaciju sa zainteresiranim slušateljima i udruženjima BiH i inostranstva. Objavljujemo zanimljivosti iz svih krajeva svijeta, u isto vrijeme omogućujemo uspostavljanje prijateljstava, razmjenu životnih iskustava, interesovanja naših korisnika.

www.radiosana.ba e-mail: rsm.kontakt@hotmail.com

Banjalučka 2, 79260 Sanski Most, Bosna i Hercegovina

Direktor: + 387 (037) 686 056; Marketing + 387 (037) 686 152; Režija: +387 (037) 685 152



JAVNO PREDUZEĆE „RADIO SANA“ D.O.O. SANSKI MOST

Identifikacioni broj: 4263037610009 PDV: 263037610009 Poreski broj: 11420746 Matični reg. broj: 1-4452-00 KS BIHAĆ

Transakcijski račun: 199 044 000 174 86 – 20 kod Sparkasse Bank

Kvalitet naše internet stranice PREPOZNALI su i drugi mediji, udruženja i pojedinci, što rezultira POJAVOM naših priloga u njihovim informativnim emisijama ili na njihovim web stranicama. Poznato je da kod nas ili nema ili se ne primjenjuju zakonska i etička rješenja koja bi ovu oblast regulisala. „Radio Sana“ nije reagirala na ovakve konstantne pojave, MOŽDA se i ovim potvrđuje kvalitet našeg rada i slogan „Radio Sane“ – „Apsolutno prvi“.

Novi medijski projekat kojeg smo pokrenuli putem interneta je produkcija informativne emisije u audio vizuelnoj formi „Hronika Sana“, koja se emitira posredstvom „YOU TUBE“ kanala, a dostupna je i na našoj web stranici radiosana.ba, te na nekoliciini drugih internetkih portala i na društvenim mrežama. Emisija je u nekoliko mjeseci emitiranja u potpunosti opravdala očekivanja o čemu svjedoči i veliki broj pregleda. Posebno nas raduje činjenica da je prihvaćena kod naših sugrađana koji žive i rade u inozemstvu, što znači da su Sanjani u dijaspori zainteresovani za ovakav vid komunikacije i informacije o tome šta se zbiva u njihovom rodnom gradu. U narednom periodu, u planu imamo produkciju i drugih sličnih sadržaja na sličan način što će, međutim, u velikoj mjeri zavisiti i od naše tehničke opremljenosti. Za ovakav vid informisanja trenutno raspoložemo s minimalnim tehničkim kapacitetima koji su više na nivou amaterskog nego profesionalnog rada. I pored toga cijenimo da „Hronika Sana“ zadovoljava profesionalne kriterijume kada se radi o produkciji ove vrste emisija.

ORGANIZACIJA RADA

Radno vrijeme zaposlenih u J.P. „Radio Sana“ je od 07.00 do 15.30 za administrativno osoblje, dok tehničko osoblje (studio i režija) radi u dvije smjene. Zbog specifičnosti poslova radno vrijeme je teško definisati i odrediti, tačnije, radi se onoliko koliko je potrebno (novinari, tehničko osoblje) da bi se završio započeti posao. Pripreme emisija, traganje za temama, praćenje pojedinih događaja, realizacija većih manifestacija i događaja koje nose predznak kulturnog, sportskog, vjerskog ili zabavnog karaktera, zahtjeva više rada i obaveza. U realizaciji programskih sadržaja insistira se na istinitom, objektivnom, nepristrasnom i pravovremenom informisanju slušatelja. Radno vrijeme, osim što ovisi o obimu poslova, prilagođeno je ljetnoj/zimskoj, odnosno izornoj programskoj shemi, a o izmjenama u shemi dužni smo obavijestiti i RAK. Kao prilog ovoj konstataciji, kada je riječ o poštivanju programskih standarda i kodeksa radio izvještavanja, još jednom ističemo podatak da od strane Regulatorne agencije za komunikacije na adresu „Radio Sane“ nije upućen niti jedan prigovor ili opomena za dosadašnji rad.

Činjenice govore da „Radio Sana“ svojim programom „pokriva“ skoro sve oblasti života na području sanske općine i šire. Koliko se moglo, pratili su se interesi i zahtjevi naših slušatelja i poslovnih klijenata. Osnovna funkcija našeg radija je sto kvalitetnija servisna usluga građanima na našem širem području, kao i institucijama, ustanovama, organizacijama, udruženjima koji su u službi građana.

U 2013.god. smo obavješteni o raskidu i sadržaju Ugovora između Centra pošta Bihać i Općine Sanski Most o iznajmljenom prostoru u kojem se nalazi JP „Radio Sana“.

Naime, Centar pošta Bihać nam je 17.09.2013.god. uputio na potpis Sporazum br.10.5.6- 5950/ 13 za plaćanje obaveza struje i grijanja, troškova održavanja u toku otkaznog roka u periodu od dvije godine.

JP“ Radio Sana“ je za raskid ugovora o zakupu poslovnih prostorija broj. 01-374 – 129/98 od 20.05.1998.god. između „J.P.BH POŠTE“d.o.o Sarajevo i Općine Sanski Most i o prenosu plaćanja

www.radiosana.ba e-mail: rsm.kontakt@hotmail.com

Banjalučka 2, 79260 Sanski Most, Bosna i Hercegovina

Direktor: + 387 (037) 686 056; Marketing + 387 (037) 686 152; Režija: +387 (037) 685 152



JAVNO PREDUZEĆE „RADIO SANA“ D.O.O. SANSKI MOST

Identifikacioni broj: 4263037610009 PDV: 263037610009 Poreski broj: 11420746 Matični reg. broj: 1-4452-00 KS BIHAĆ

Transakcijski račun: 199 044 000 174 86 – 20 kod Sparkasse Bank

obaveza sa Osnivača na nas kao i gubitak prostora u kojem se trenutno nalazimo SAZNALA tek po prijemu navedenog prijedloga Sporazuma i to od strane Pošta Bihać. Ugovor je raskinut 15.06.2012.god. u ime Osnivača „Općinska služba za prostorno uređenje, građenje i stambene poslove“ općine Sanski Most i mišljenja Općinskog pravobranilaštva br. M-26/12 od 15.06.2012.god. čiji je prijedlog bio Sporazum koji treba potpisati J.P. „Radio Sana“ kao podzakupac sa svim obvezama, održavanja i troškova u toku otkaznog roka 21.05.2014.god.

Nametnute obaveze prema Centru pošta Bihać u otkaznom periodu smo izmirili, bili smo uslovljeni isključivanjem el. energije što se i dogodilo drugi dan Bajrama. Svi zaposleni su pristali da se isplaćuje minimalni lični dohodak do izmirenja obaveza.

Radio kao J.P. bi pronašao rješenje iz vlastitih prihoda, da je blagoveremeno obavješteno da izmiruje mjesečne obaveze u toku otkaznog perioda. Ne ulazeći u razloge Osnivača, zašto nas nisu obavijestili o istom, jer se to direktno odnosi na prostor za rad i samo funkcionisanje Radija, mi tražimo SAMO isti odnos prema nama kakav imaju sve javne ustanove, javna preduzeća, udruženja, političke stranke i kantonalne institucije na teritoriji naše općine.

Od 17.09.2013.godine kad smo dobili prvu nezvaničnu, a kasnije i zvanično potvrđenu informaciju od strane Osnivača, rukovodstvo Radija je kroz direktne razgovore i pismeno u procesu traženja novog poslovnog prostora u vlasništvu općine, što imaju i gore navedeni. Radio Sana i dalje ima neriješen problem PROSTORA, a isto tako nove finansijske obaveze.

PROGRAMSKA SHEMA

REALIZIRANA PROGRAMSKA SHEMA „RADIO SANE“ U 2014.GODINI

rb	Programski segment	%
1.	Informativno-politički program	23 %
2.	Muzičko-zabavni program	42 %
3.	Obrazovni program	13 %
4.	Dječiji program	2 %
5	Sportski program	3 %
6.	Javni uslužni	3 %
7.	Marketinški program	4 %
8.	Religijski program	2 %
9.	Informativni program BHR1	4 %
10.	Informativni program RDW	1 %
11.	Ostalo	3 %
	U K U P N O	100 %

PROGRAM „RADIO SANE“

Regulatorna agencija za komunikacije (RAK) obavezala je javne radio i TV stanice da imenuju Uredničko vijeće čiji sastav treba da odražava politički, etnički, kulturni i religijski sastav stanovništva kojem radio ili TV

www.radiosana.ba e-mail: rsm.kontakt@hotmail.com

Banjalučka 2, 79260 Sanski Most, Bosna i Hercegovina

Direktor: + 387 (037) 686 056; Marketing + 387 (037) 686 152; Režija: +387 (037) 685 152



JAVNO PREDUZEĆE „RADIO SANA“ D.O.O. SANSKI MOST

Identifikacioni broj: 4263037610009 PDV: 263037610009 Poreski broj: 11420746 Matični reg. broj: 1-4452-00 KS BIHAĆ

Transakcijski račun: 199 044 000 174 86 – 20 kod Sparkasse Bank

stanica služi. J.P. „Radio Sana“ d.o.o. Sanski Most ispunjava ovu obavezu i ima formirano Uredničko vijeće koje savjetuje po pitanjima programske sadržine i sheme kako bi se osigurao rad stanice u skladu s Kodeksom za emitovanje radio i TV programa i drugim regulativama koje se odnose na javne radio i TV stanice.

U programskoj shemi „Radio Sane“ prema kodeksima i pravilima RAK-a zastupljeni su: informativni, obrazovni, dječiji, vjerski, sportski, muzičko-zabavni, javno-uslužni i marketinški sadržaji. Svim navedenim programskim sadržajima pristupamo odgovorno s ciljem postizanja općeg kvaliteta programa. Programska politika radija je proizvodnja AUTORSKIH emisija iz svih oblasti, od informativnog do marketinškog programa.

Informativna redakcija radija čini osnovu cjelokupne programske sheme. Redakcijski kolegij svakog jutra priprema informativne sadržaje, daje smjernice za emisije iz sporta, opće kulture, edukativnih i „specijalnih“ sadržaja.

U realizaciji svih programskih sadržaja tokom godine učestvuju gotovo svi zaposleni, od tog direktno u izradi 10 zaposlenika i to: glavni i odgovorni urednik, dva novinara, tri spikera-voditelja, tri tonska realizatora i sekretar.

Menadžment i zaposlenici su nastojali da kvalitetnim i raznovrsnim sadržajem održe kontinuitet i povećaju slušanost radija. Koliko smo u tome uspjeli kvalitetom i kvantitetom, sud mogu dati naši slušaoci i poslovni partneri, kao i bolji rezultati finansijskog poslovanja radija u 2013 godini.

Novinari „Radio Sane“ redovno prate i informiraju o radu Općinskog vijeća: najava sjednica s dnevnim redom, izvještaji sa istih s informacijama o svakoj tački, diskusijama, zaključcima i odlukama Vijeća, i to sve i okviru naših tehničkih mogućnosti koje su i u ovom slučaju ograničavajući faktor. Da bi snimci sa sjednice OV imale kvalitetan ton pri reemitiranju u našem programu, neophodna je kako tehnička opremljenost Službe OV tako i opreme samog radija, specifikacija je dostavljena nadležnim općinskim organima.

Sarađujemo u ugovorenim terminima sa načelnikom i općinskim službama, sve u cilju pružanja građanima što više pravovremenih i valjanih informacija. Redovno pratimo i izvještavamo o sjednicama Skupštine USK, federalnog i Parlamenta BiH.

„Radio Sana“ je u protekloj godini bila suorganizator, pokrovitelj ili medijski pratila SVE manifestacije, od kojih je većina vezana za obilježavanje praznika, značajnih datuma, proslava ili obljetnica od općinskog do državnog nivoa, pri čemu se više medijskog prostora i pažnje daje u informativnim ili specijalnim emisijama sa gostima.

Većim manifestacijama i festivalima iz svijeta umjetnosti i muzike: Eurovizija, Oskar, MESS, Sarajevska zima, Bijačko ljeto, također dajemo više radijskog prostora. Posebno smo angažirani u toku trajanja manifestacija koje se dešavaju na našoj općini: „Ljeto na Sani“ ili „Nek mirišu sanske avlije“ i sl. S ovim i sličnim manifestacijama nastaviti će se i u budućnosti.

U 2013.g radio se vratio organizaciji muzičkih manifestacija „Zlatni glas Sanskog Mosta“, 26.12.2014.god. održana je druga po redu u gradskoj dvorani. Posjećenost neočekivana kao i pozitivne reakcije publike i samih učesnika. Ova i slične manifestacije će se nastaviti kao sastavni dio djelatnosti radija.

www.radiosana.ba e-mail: rsm.kontakt@hotmail.com

Banjalučka 2, 79260 Sanski Most, Bosna i Hercegovina

Direktor: + 387 (037) 686 056; Marketing + 387 (037) 686 152; Režija: +387 (037) 685 152



JAVNO PREDUZEĆE „RADIO SANA“ D.O.O. SANSKI MOST

Identifikacioni broj: 4263037610009 PDV: 263037610009 Poreski broj: 11420746 Matični reg. broj: 1-4452-00 KS BIHAĆ

Transakcijski račun: 199 044 000 174 86 – 20 kod Sparkasse Bank

Od 2014.godine Radio Sana organizuje Festival za učenike osnovnih škola pod nazivom „Pjesmom za naše rijeke i šume“. Festival je zabavnog i edukativnog karaktera, učenici imaju priliku da kroz zabavni program pokažu svoje muzičke kvalitete i da obilježe dva značajna međunarodna dana koji se obilježavaju širom svijeta, odlukom Generalne skupštine Ujedinjenih naroda: Svjetski dan šuma i Svjetski dan zaštite voda. Svim učesnicima ove manifestacije poklanja se sadnica (donacija ŠPD Unsko-sanske šume d.o.o BOS. Krupa , pokrovitelj ove manifestacije), koju imaju obavezu posaditi i njegovati.

ANALIZA PROGRAMA PO SEGMENTIMA

Tokom svog dugogodišnjeg rada, pored novinara, moderatori programa „Radio Sane“ činili su sve kako bi se što više „približili“ svojim slušateljima. Cilj i opravdanost postojanja svake medijske kuće je biti sastavni i neizostavni dio svakodnevnog života što većeg broja vjernih konzumenata, u našem slučaju slušatelja „Radio Sane“. Studijske aktivnosti strogo su vezane za našu fleksibilnu sedmičnu programsku shemu koja nam daje prostor, odnosno zadatak da detaljno svom auditorijumu prenesemo dnevne aktualnosti i druge važne informacije. Svakog dana moderatori programa imaju zadatak da sve dostupne i planirane informacije na dopadljiv i lako prihvatljiv način „dostave“ slušaocima.

JUTARNJI dio programa „Radio Sane“ ima za cilj doprinijeti što ugodnijem početku dana. Uredili smo takvu koncepciju programa da radio bude što bolje društvo slušatelju za ugodno buđenje. S namjerom potaknuti dobro raspoloženje i podići nivo pozitivne energije potrebne za kvalitetno izvršavanje dnevnih obaveza, a uz sve to servirati svježije informacije.

Jutro počinjemo VIJESTMA BHR1.

U saradnji s dežurnim službama iz javnih ustanova i preduzeća realizujemo direktna javljanja u emisiju „DAN I NOĆ IZA NAS“, u kojoj naši slušatelji mogu dobiti „sliku“ presjeka svih dešavanja u proteklom danu na prostoru općine Sanski Most. To se prvenstveno odnosi na izvještaje iz policijske stanice, službe za hitnu pomoć, vatrogasne službe, porodilišta, vodovoda, autobuske i hidrometeorološke stanice. U ovom dijelu programa redovno dajemo VREMENSKU PROGNOZU za taj dan.

Najveći dio prijepodnevnog programa čine detaljno osmišljeni sadržaji koji slušateljima jutro čine informativnim i prijatnim. Nakon servisnih informacija nižu se zanimljivosti od zdravlja, nauke, tehnike, biznisa, politike do svijeta poznatih. Svakih sat vremena emituje se kraći i duži pregled vijesti naizmjenično kroz emisije FLASH VIJESTI i INFO TIME. Neizostavan sadržaj su i vijesti iz svijeta sporta SPORTISIMO, direktna javljanja novinara s terena, te najava sadržaja centralne informativne emisije „Central“.

Ponedjeljkom i petkom u sklopu prijepodnevnog programa informiramo slušatelje o sanskoj PIJAČNOJ PONUDI.

Tačno u podne svakog radnog dana, MOZGALICA – nagradna igra, ali i puno više od toga, jer pola sata ovog dijela našeg programa koristimo da kroz „igru“ promoviramo ličnosti i događaje koji zaslužuju da se o njima sazna više, bilo da se radi o aktualnostima u svijetu ili obilježavanju važnih svjetskih datuma. Emisija je sponzorirana od strane naših klijenata kroz dodjelu nagrade pobjedniku igre. Također, kroz sponzoriranje ove emisije od strane sanskih privrednika, nastojimo promovirati i reklamirati domaću proizvodnju i domaće

www.radiosana.ba e-mail: rsm.kontakt@hotmail.com

Banjalučka 2, 79260 Sanski Most, Bosna i Hercegovina

Direktor: + 387 (037) 686 056; Marketing + 387 (037) 686 152; Režija: +387 (037) 685 152



JAVNO PREDUZEĆE „RADIO SANA“ D.O.O. SANSKI MOST

Identifikacioni broj: 4263037610009 PDV: 263037610009 Poreski broj: 11420746 Matični reg. broj: 1-4452-00 KS BIHAĆ

Transakcijski račun: 199 044 000 174 86 – 20 kod Sparkasse Bank

proizvode. Ovisno o broju prikupljenih informacija, gotovo svakodnevno, donosimo vijesti iz svijeta biznisa koje koristimo za promociju kampanje „KUPUJMO-KORISTIMO DOMAĆE“.

INFORMATIVNO-POLITIČKI PROGRAM

Opširnije o domaćim i stranim novostima slušaoci mogu čuti u okviru informativnih emisija koje preuzimamo od partnerskih medijskih kuća: VIJESTI BHR1 – preuzimamo tri puta dnevno u 7.00, 15.00 i 19.00 sati, a na osnovu ugovora o preuzimanju informativnih emisija i najaktuelnijih informacija iz zemlje i svijeta, te RADIO Slobodna Europa – informativna emisija o dešavanjima u zemlji i svijetu, koju preuzimamo dva puta dnevno u 08.00 i 17.00 sati.

„Radio Sana“ emitira više informativnih emisija, svakih sat vremena emituje se kraći i duži pregled vijesti naizmjenično - FLASH VIJESTI i INFO TIME. „CENTRAL“ je centralna informativna emisija koja se emitira u 16.00 sati svakog dana osim nedjelje i reprizom u 22.00 sata. Emisija sadrži aktuelna dnevna dešavanja s područja koje „Radio Sana“ pokriva svojim signalom. Informacije su dopunjene razgovorima s akterima događaja i komentarima, a najzanimljiviji prilozi „Centrala“ se prenose na našu web stranicu u pisanom obliku i dopunjeni fotografijama kao i na facebook.

Nedjeljom u terminu od 16.00 sati „Radio Sana“ emitira emisiju „CENTRAL 7“ koja predstavlja pregled dešavanja za proteklih sedam dana.

„AKTUELNI RAZGOVOR“ – urednici Zlatan Čekić i Edin Talundžić, tematska emisija informativnog karaktera koja se emitira svake srijede u 13.00 sati. Obrađuje aktuelne teme i događaje, a u goste dovodimo brojne ličnosti iz političkog, društvenog, privrednog, javnog i kulturnog života općine, Unsko-sanskog kantona i BiH. Koncept emisije je da se u dijaloškoj formi osvijetle aktuelne društvene teme, te da se one na što pristupačniji način interpretiraju slušaocima.

„NA KAFI S NAČELNIKOM“ – urednik Zlatan Čekić, emisija koja se emitira dva puta mjesečno, ponedjeljkom od 13.00 do 14.00 sati nastojimo kroz razgovor u studiju s načelnikom općine informisati građane o aktivnostima prvog čovjeka lokalne administracije. U toku emisije slušaoci imaju priliku da postavljaju pitanja na koja im načelnik direktno odgovara. Ova emisija je emitovana do sredine godine, razlog neemitiranja je nedolazak načelnika, vjerojatno zbog obaveza. Žalimo što je prekinuta višegodišnja tradicija prošlih načelnika koji su emisiju koristili za direktno obraćanje, informiranje i kontakte sa građanima. Vjerujemo da će se emisija „NA KAFI S NAČELNIKOM“ nastaviti u već poznatom terminu.

Informativni program uključuje i svakodnevno prelistavanje štampe, obimne servisne informacije i obavještenja, te najave aktuelnih dešavanja. Uz to se periodično emitiraju programi u suradnji sa međunarodnim organizacijama.

U informativne sadržaje ubrajamo i izvještaje i reemitovanje sjednica OV Sanski Most, audio snimak sjednice nam dostavlja Služba OV koji se reemituje u našem programu subotom i nedjeljom. Tonski zapisi aktuelnih događaja značajnih za stanovništvo Sanskog Mosta su sastavni dio našeg redovnog programa.

OBRAZOVNI PROGRAM

www.radiosana.ba e-mail: rsm.kontakt@hotmail.com

Banjalučka 2, 79260 Sanski Most, Bosna i Hercegovina

Direktor: + 387 (037) 686 056; Marketing + 387 (037) 686 152; Režija: +387 (037) 685 152



JAVNO PREDUZEĆE „RADIO SANA“ D.O.O. SANSKI MOST

Identifikacioni broj: 4263037610009 PDV: 263037610009 Poreski broj: 11420746 Matični reg. broj: 1-4452-00 KS BIHAĆ

Transakcijski račun: 199 044 000 174 86 – 20 kod Sparkasse Bank

Jedan segment politike kuće je na sve moguće načine i kroz sve emisije educirati i informirati javnost. I „najjednostavniji“ programski sadržaj ima za cilj nenametljivo javnosti predočiti edukativne sadržaje, značaj moralnih vrijednosti u društvu, tolerancije, demokratske principe, te aktivnog uključenja u razvoj zajednice.

U obrazovni program ubrajamo i emisije koje ukazuju na poroke, negativne pojave i afirmaciju borbe protiv njih. Postala je ustaljena praksa održavanje stalne komunikacije i posjeta svim sanskim školama i njihovo aktivno učešće u realizaciji emisija ovog tipa emisije na programu: subota i nedjelja u prijedodnevnom terminu. Prate se aktivnosti nevladinog sektora koji i kao gosti učestvuju u našem programu kroz široki spektar tema.

„KUHAJMO ZAJEDNO“, utorak, četvrtak, subota i nedjelja u 11.00 sati, trajanje 15 minuta, uređuju i vode ih spikeri radija. Sadržaj je izmjenjen, obogaćen novim receptima, savjetima iz kulinarstva, utjecaj hrane-namirnica na zdravlje, zanimljivosti, istraživanja, ideje, kreativnost, predstavljanje namirnica (kalorije, vitamini, energetska vrijednost, ljekovitost, čuvanje), jela-slatka i slana, zimnica i još mnogo zanimljivih i korisnih informacija.

„OTKRIJ BOSNU I HERCEGOVINU, svaki drugi petak, 13.00 sati, trajanje 30 minuta, autor Amra Džaferagić. Ciklus emisija o geografskom položaju, historiji, prirodnim resursima, ekologiji, turističkim resursima i potencijalima BiH. Cilj emisije je slušateljima omogućiti da kroz naš serijal upoznaju, otkriju ljepote naše države. Ciklus je konceptualo osmišljen na način da se u njemu obradi kroz emisije, cjelokupan prostor BiH, koristeći pri tom entitetske, kantonalne cijeline ili samo lokalitete, što ovisi o njihovim specifičnostima i ekskluzivnosti.

„SNAGA ZENE“, svaki drugi petak, 13.00 sati, trajanje 1 h, autor Amra Džaferagić. Emisija posvećena Udruženjima žena općine Sanski Most kao i cijeloj ženskoj populaciji različite starosne dobi, zanimanja, interesovanja, aktivnostima, radu, doprinosu lokanoj zajednici. Cilj afirmacija žene, majke, sestre, njihov značaj, obaveze i odgovornosti i položaj u društvu.

„FANCY“, subota u 12.00 sati, trajanje 30 minuta, autor: Lejla Nezirević. Emisija osmišljena tako da slušaocima što više približi sve strane modnog svijeta, kako dobre, tako i loše. Moda, kozmetički noviteti i savjeti, njega kose, moda kroz historiju, biografije ljudi iz svijeta mode (modni kreatori, fotografi, stilisti, urednici i modeli), poremećaji kod ljudi vezani za izgled, estetska hirurgija i obavezno modni bonton.

„KO SAM JA“, nedjelja u 18 sati, trajanje 45 minuta, autori: Jasmin Cerić i Nijaz Pašić. Emisija obrađuje najbolje i najveće autore iz oblasti muzike od sevdaha do svih vrsta popularne muzike, kako domaće tako i inostrane izvođače. U emisiji su predstavljeni detalji iz biografije izvođača i njihovi najkvalitetniji hitovi koji su ih obilježili i po kojima se pamte.

„POLJOPRIVREDNA EMISIJA“, svake druge nedjelje u 10.00 sati, trajanje 50 minuta, urednik: Edin Talundžić. Emisija koja obrađuje različite teme iz oblasti poljoprivrede, sa savjetima poljoprivrednicima u obavljanju svakodnevnih i sezonskih radova. Emisija se realizuje u suradnji s kantonalnim ministarstvom poljoprivrede, Poljoprivrednim zavodom USK, Općinskom službom za poljoprivredu. Poljoprivrednom školom „Sanus futurum“, kantonalnim i lokalnim udruženjima poljoprivrednika, zemljoradničkim zadrugama, nevladinim organizacijama koje su angažovane na unapređenju domaće poljoprivredne proizvodnje.

www.radiosana.ba e-mail: rsm.kontakt@hotmail.com

Banjalučka 2, 79260 Sanski Most, Bosna i Hercegovina

Direktor: + 387 (037) 686 056; Marketing + 387 (037) 686 152; Režija: +387 (037) 685 152



JAVNO PREDUZEĆE „RADIO SANA“ D.O.O. SANSKI MOST

Identifikacioni broj: 4263037610009 PDV: 263037610009 Poreski broj: 11420746 Matični reg. broj: 1-4452-00 KS BIHAĆ

Transakcijski račun: 199 044 000 174 86 – 20 kod Sparkasse Bank

„JER JE SVE U PJESMI“, utorkom od 18.00 sati, urednici: spikeri. Emisija posvećena svjetskoj poeziji sa akcentom na bosanskohercegovačku poeziju pripadnika svih naroda i nacionalnih manjina. Emisiju upotpunjava muzika adekvatna obrađenoj poeziji. U emisiji je obrađena biografija umjetnika, njegov književni opus i odabrana poezija uz muzičku podlogu primjerenu sadržaju i vremenu stvaranja poezije.

„ADRENALIN“, četvrtak od 13.00 do 13.54 sati, urednica i voditeljica: Edina Travljanin. „Adrenalin“ predstavlja svojevrsni ciklus emisija različitih žanrova koji je kombinacija dokumentarnog i reportažnog pristupa obrade različitih tema. Emisija je obogaćena muzičkim i zabavnim elementima koji prate tematsku cjelinu i upotpunjuju svoj edukativni cilj. „Adrenalin“ je serijal čije epizode traju do 54 minute. Živi, ali ne prebrzi tempo emisije i njene osvježavajuće teme uklapaju se u centar dana slušatelja različite životne dobi. Serijal se tematski veže za različita područja; geografija, povijest, svijet flore i faune, priroda i njeni fenomeni, otkrića, dostignuća, društvene aktualnosti. Svaka emisija obrađuje jednu ili više vezanih tema iz različitih uglova, ali na jedan dinamičan način koji je dopadljiv slušateljima.

U emisiji Adrenalin 2014.god. realizirana su tri serijala:

1. Historija privatnog života - historijsko porijeklo stvari na koje nailazimo u gotovo svakom domu, a o njihovom porijeklu ne znamo ništa.
2. Religije svijeta,
3. Historija umjetosti.

„KNJIŽEVNE MINUTE“, petak od 11.00 do 11.30 sati, urednica i voditeljica: Edina Travljanin. U vremenu brzog življenja i lake dostupnosti medija koji nude širok spektar razonode (često nisko levelizirane koristi) za trošenje slobodnog vremena (poput interneta), Knjiga je smještena na nezavidno mjesto rang-liste prioriteta pojedinaca u svim kategorijama društva. Shvaćajući važnost knjige, ali i utjecaj radija kao medija, stvorena je ideja za emisiju „Književne minute“ koja ima za cilj popularizaciju čitanja knjiga. Obzirom da razlog marginaliziranja interesa za čitanje knjiga može biti i visoka cijena njihovog koštanja, kroz „Književne minute“ našim slušateljima preporučujemo djela do kojih mogu doći posudbom u Narodnoj biblioteci Sanski Most. Stoga smo uspostavili suradnju sa g-đom Dijanom Subašić, direktoricom ove javne ustanove, koja vrši prezentaciju književnih uradaka po definiranoj shemi. To podrazumijeva da se u emisiju predstavljaju četiri (4) naslova različitih žanrova podijeljenih prema grupi čitateljstva kojoj se preporučuju.

„HISTORIJSKE LIČNOSTI“, četvrtak od 18.00 do 19.00 sati, autor Lejla Nezirević. Emisija posvećena ličnostima koje su svojim dopriosom, talentom, djelima, obilježile period u kojem su živjeli. U toku ove godine upoznali smo se s velikanima likovne umjetnosti i svijeta filma, njihovim biografijama i djelima koja ih čine velikim i nezaboravnim. Novi serijal počinje krajem godine, obrađuje „velike i poznate“ žene kroz historiju.

DJEČIJI PROGRAM

www.rudiosana.ba e-mail: rsm.kontakt@hotmail.com

Banjalučka 2, 79260 Sanski Most, Bosna i Hercegovina

Direktor: + 387 (037) 686 056; Marketing + 387 (037) 686 152; Režija: +387 (037) 685 152



JAVNO PREDUZEĆE „RADIO SANA“ D.O.O. SANSKI MOST

Identifikacioni broj: 4263037610009 PDV: 263037610009 Poreski broj: 11420746 Matični reg. broj: 1-4452-00 KS BIHAĆ

Transakcijski račun: 199 044 000 174 86 – 20 kod Sparkasse Bank

Programski sadržaji „Radio Sane“ su sadržavali zanimljivosti i savjete za omladinu, kao i edukativno-informativne i zabavne sadržaje za ovu populaciju.

„PUTOVANJE KROZ ZEMLJU SNOVA“, svaki radni dan u 19.15 sati. Emisija namijenjena najmlađima u kojoj se emituju bajke za djecu vlastite produkcije. U realizaciji ovog autorskog programa učestvovali su uposlenici radija, a snimljeno je 89 bajki i priča za djecu.

„VELIKI ODMOR“, subota od 13.00 sati, trajanje 30-45 minuta, urednik: Admira Arnautović. Serijal „Veliki odmor“ je posvećen osnovnoškolskom obrazovanju na općini Sanski Most. Osnovne škole: „5.oktobar“, „Vrhpolje“, „Hasan Kikić“, „Skender Kulenović“, „Mahala“, „Fajtovci“ i „Prva sanska škola“. U emisiji se obrađuju pitanja iz oblasti obrazovanja i odgoja, prenosimo savjete za školarce i roditelje, predstavljanje škola - historijat, Dan škole, vijeće učenika, vijeće roditelja, prezentacija škole, sekcije, uspjesi, projekti... Aktualnosti (upis, takmičenja na nivou Općine, Kantona i Federacije, prolaznost, ekskurzije, mature i dr.). Emisija se realizira uz pomoć aktiva direktora sanskih škola, pedagoga, nastavnika i učenika koji su direktni učesnici u najvećem broju emisija.

„MOJA ŠKOLA“, svaka druga nedjelja od 10.00 sati, trajanje 30-45 minuta, urednik: Admira Arnautović. Predstavljanje sanskih srednjih škola (Gimnazija, Mješovita srednja škola i Poljoprivredna škola „Sanus futurum“) tokom čitave školske godine kao i aktualnosti (statistika, upis, prolaznost, ekskurzije, mature i dr.), savjeti i korisne informacije za učenje, koncentraciju za bolji uspjeh. Historijat, Dan škole, uspjesi, projekti i planovi, vijeće učenika, vijeće roditelja, prezentacija škole, problemi...U emisiji učestvuju kao gosti direktori, profesori, roditelji i učenici.

SPORTSKI PROGRAM

„SPORTISIMO“, svakim danom u jutarnjem terminu u trajanju od 15 minuta, prati prvenstveno aktuelnu međunarodnu sportsku scenu.

„SPORTSKI ŽURNAL“, utorkom u 13.00 sati, trajanje 50 minuta, urednik: Edin Aganović. Emisija se prvenstveno bavi sportskim dešavanjima i događajima vezanim za Sanski Most – najavama, izvještajima i reportažama sa utakmica i takmičenja. U emisiji gostuju predstavnici klubova, a posebno se daje pažnja mladim sanskim sportistima, te invalidnom sportu, ali i bivšim uspješnim sportskim radnicima i igračima. Slušaoci se kroz emisiju „Sportski žurnal“ redovno informišu o aktuelnostima i zanimljivostima iz bh i međunarodnog sporta. Sportski žurnal se emituje od samog početka rada „Radio Sane“, od 1996. godine. Za doprinos opstanku i razvoju sporta na ovim prostorima, te objektivno informisanje „Radio Sana“ i urednik Sportskog žurnala dobili su niz prizanja i nagrada od velikog broja klubova i Sportskog saveza općine Sanski Most.

„NEDJELJNI DERBI“, nedjeljom od 15.30 do 18.00 sati, urednik Edin Talundžić. Emisija sportsko-zabavnog karaktera, koja se nedjeljom u poslijepodnevnom terminu realizuje uživo. Koncept emisije zasniva se na praćenju aktuelnih informacija iz svijeta sporta, a prvenstveno rezultata sa nogometnih utakmica koje se igraju u nedjeljnom terminu.

RELIGIJSKI PROGRAM

www.radiosana.ba e-mail: rsm.kontakt@hotmail.com

Banjalučka 2, 79260 Sanski Most, Bosna i Hercegovina

Direktor: + 387 (037) 686 056; Marketing + 387 (037) 686 152; Režija: +387 (037) 685 152



JAVNO PREDUZEĆE „RADIO SANA“ D.O.O. SANSKI MOST

Identifikacioni broj: 4263037610009 PDV: 263037610009 Poreski broj: 11420746 Matični reg. broj: 1-4452-00 KS BIHAĆ

Transakcijski račun: 199 044 000 174 86 – 20 kod Sparkasse Bank

Posebno mjesto u našem radu svakako su zauzimala i obilježavanja vjerskih događaja svih konfesija kroz prigodne emisije, goste i prilozima s vjerskih manifestacija. Posebno prilagođen program tokom mjeseca Ramazana, Bajrama, Božića, Uskrasa sa gostima – vjerskim službenicima i vjernicima svih konfesija. U programskoj shemi imamo redovne sedmične emisije posvećene vjerskim sadržajima, koje uređuju i vode vjerski službenici.

„SVJETLOST ISLAMA“, petkom u 9.00 sati, urednik Mirsad efendija Sedić i „RADIO MEKTEB“, nedjeljom u 9.00 sati, urednik Mirza efendija Žerić. Emisije namijenjene pripadnicima islamske vjeroispovijesti, kontakt tipa obrazovnog karaktera sa adekvatnom muzikom, a realizuju se u saradnji s Medžlisom IZ Sanski Most.

„EMANUEL“, nedjeljom u 14.30, trajanje 30 minuta, urednik don Ilija Piličić. Emisija namijenjena katoličkim vjernicima, religijsko-edukativnog sadržaja kojeg prati prigodna vjerska muzika.

Ovo je novi sadržaj iz serijala vjerskih emisija koji je s realizacijom startao u 2012. godini. Pokušaj da u religijskom programu učestvuju sve konfesije prisutne na našoj općini, bio je manje uspješan. Predstavnici pravoslavne vjerske zajednice su načelno prihvatili ove emisije vjerske tematike, ali zbog njihove prezauzetosti i mnogobrojnih obaveza, odobrenja s višeg hijerarhijskog nivoa, nije došlo do realizacije ovog tipa emisije. Naša ponuda je, naravno, i dalje otvorena. To je bio razlog da naš programski sadržaj ne obuhvati religijski program svih konfesija, tako da u skladu sa svojim mogućnostima (vjerska literatura, internet) relativno cjelodnevni programom za vrijeme vjerskih praznika svih konfesija emitiramo prikladne vjerske sadržaje.

MARKETINŠKI PROGRAM

je poslovno-financijski temelj pružanja naših usluga po Cjenovniku usluga odobrenom od strane Nadzornog odbora ovog preduzeća. Uslugama „Radio Sane“ (reklame, oglasi, saopćenja) ostvaruje se za nas značajan neophodan prihod. Ostvareni prihod je u funkciji plaćanja svih naših tekućih obaveza, uključujući i topli obrok zaposlenih u toku godine. Sve teža ekonomsko-privredna situacija u BiH, kantonu i općini, te problemi tehničke prirode, odrazila se i na broj naših klijenata, na prihode koji se ostvaruju pružanjem marketing usluga u izmirenju naših tekućih obaveza i troškova. Usluge marketinga koriste privredni subjekti tokom cijele godine bilo na osnovu godišnjih ugovora ili povremeno u toku godine, fizička lica, vjerske institucije i organizacije. Ugovori se potpisuju za cijelu godinu ili povremeni, s tim da za duže trajanja ugovorenih usluga pružamo dodatne popuste s ciljem zadržavanja postojećih i privlačenja novih klijenata. Zanimljivo da veći broj naših stalnih klijenata nije s područja općine Sanski Most, zadovoljni su kvalitetom i cijenom naših usluga.

U 2014.god.u kojoj smo planirali veći broj klijenata, imali smo gubitak već postojećih. U periodu pregovora sa Poštom Bihać, isključenjem električne energije, pregovori o poslovnom prostoru i neizvjesnost oko istog doprinijeli su negativnim reakcijama lokalnih klijenata koji su „privremeno,“ prekinuli poslovnu suradnju. Vjerujemo da će dugogodišnja, korektna i kvalitetna usluga našeg marketinga dovesti do nastavka suradnje sa bivšim, a i budućim novim klijentima.

www.radiosana.ba e-mail: rsm.kontakt@hotmail.com

Banjalučka 2, 79260 Sanski Most, Bosna i Hercegovina

Direktor: + 387 (037) 686 056; Marketing + 387 (037) 686 152; Režija: +387 (037) 685 152



JAVNO PREDUZEĆE „RADIO SANA“ D.O.O. SANSKI MOST

Identifikacioni broj: 4263037610009 PDV: 263037610009 Poreski broj: 11420746 Matični reg. broj: 1-4452-00 KS BIHAĆ

Transakcijski račun: 199 044 000 174 86 – 20 kod Sparkasse Bank

ZABAVNO-MUZIČKI PROGRAM

Pored svakodnevnog kontakt-programa „Radio Sana“ emitira i tematske emisije zabavno-muzičkog karaktera, u kojem se predstavljaju noviteti iz muzičkog žanra kojeg emisija obrađuje, podsjećanje na muziku 80-tih i 90-tih, historijski pregled razvoja muzike i sl. Jedan segment politike kuće je na sve moguće načine i kroz sve emisije educirati javnost. I „najjednostavniji“ programski sadržaji imaju za cilj nenametljivo javnosti predočiti edukativne sadržaje, značaj moralnih vrijednosti u društvu, tolerancije, demokratske principe, te aktivnog uključenja u razvoj zajednice.

POP-TOP LISTA, subotom od 18.00 do 19.00 sati.

FOLK-TOP LISTA, nedjeljom od 12.00 do 13.00 sati.

MALI KONCERT, svakim danom od 16.30 do 17.00 sati.

ZAPOSLENICI

J.P. „Radio Sana“ d.o.o. tokom 2014. godine u stalnom radnom odnosu je zapošljavala 13 radnika, koji zadovoljavaju sistematizaciju radnih mjesta utvrđenu Statutom preduzeća. To su direktor, sekretar radija, računovođa, glavni i odgovorni urednik, novinar, reporter, tri voditelja – spikera, tri tonska realizatora i higijeničar-kurir. Obrazovna struktura je sljedeća: visoka stručna sprema – 3 (direktor, glavni urednik i sekretar). U ovoj godini još jedan zaposlenik je nastavio obrazovanje u struci, što znači da će u budućnosti obrazovna struktura zaposlenih ispunjavati standarde Pravilnika o sistematizaciji i zahtjeve struke. Sa srednjom stručnom spremom ima 10 zaposlenih. Prosječna (neto) plaća u 2013 godini je iznosila 720,20 KM, dok je u 2014. godini bila 659,03 KM.

STANDARDI, PRAVILA I KODEKSI

U realizaciji programskih sadržaja nije bilo neprofesionalnog rada, prateći prezentiranu i usvojenu Programsku shemu od strane Nadzornog odbora, Uredničkog vijeća i RAK-a. Nisu se emitirali neetični, nepristojni sadržaji, niti oni koji bi podizali nacionalne, rasne ili vjerske tenzije, nije bilo emisija, niti informacija koje su izazvale javnu štetu, narušile stabilnost, sigurnost ili odbranu države. Kao činjenični znak navedene konstatacije neka posluži podatak da „Radio Sana“, kada je riječ o programskim standardima i Kodeksu radio izvještavanje, nije od Regulatorne agencije za komunikacije do sada dobila niti jednu vrstu sankcije ili kazne.

**Direktor:
Mira Bjelac**

www.radiosana.ba e-mail: rsm.kontakt@hotmail.com

Banjalučka 2, 79260 Sanski Most, Bosna i Hercegovina

Direktor: + 387 (037) 686 056; Marketing + 387 (037) 686 152; Režija: +387 (037) 685 152



JAVNO PREDUZEĆE „RADIO SANA“ D.O.O. SANSKI MOST

Identifikacioni broj: 4263037610009 PDV: 263037610009 Poreski broj: 11420746 Matični reg. broj: 1-4452-00 KS BIHAĆ

Transakcijski račun: 199 044 000 174 86 – 20 kod Sparkasse Bank

www.radiosana.ba e-mail: rsm.kontakt@hotmail.com

Banjalučka 2, 79260 Sanski Most, Bosna i Hercegovina

Direktor: + 387 (037) 686 056; Marketing + 387 (037) 686 152; Režija: +387 (037) 685 152